

BCG – cun gudogn da record per 2017

Il resultat d'excellenta strategia ed operativa

■ (anr/gc) L'entschatta favrer preschentan ils responsabels da la Banca Chantunala Grischuna (BCG) mintgama la bilantscha da l'onn passà tar ina conferenza a las medias. L'interess persuerter è adina grond. Il president, Peter Fanconi, ha pudì communitgar gia tar il bainvegni cun vesai vel plaschair e gronda satisfaziun che la BCG haja fatg per 2017 cun 197,9 milliuns il meglier e pli aut gudogn en sia istorgia da prest 150 onns. Quest resultat da record è vegnì realisà era grazia a la posiziun excellenta da la BCG sin il martgà.

Blers profiteschan da quest gudogn

Da quest gudogn recordial profiteschian blers. La dividenda als partizianaris crescha per dus francs e munta a 40 francs. Total vegnan distribuids persuerter 100 milliuns francs (u tschintg milliuns daplì ch'avant in onn). Il chantun survegn – inclus l'indemnisaziun per la garanzia statala – 87,3 milliuns francs. Questa summa è per 4,3 milliuns francs pli auta che 2016. Dividì sin l'entira populaziun dal chantun fa quai ora radund 500 francs per abitant. Al fond da contribuziuns per projects nuncommerzials dals champs cultura, util public, sport, economia, turissem e societad èn vegnids assignads trais milliuns, u in milliun daplì.

Creschament en tuttas spartas

Tenor il CEO, Alois Vinzens, è il resultat da fatschenta – sco mesira per la prestaziun operativa – creschì per prest 25% (195,3 milliuns). Las raschuns persuerter sajan: Augment dals retgavs en tuttas fatschentas, reducziun da las posiziuns da ristgas ed in bun management dals custs. Er il resultat da fatschenta cun tschains è creschì per 6,1% sin 254,3 milliuns, medemamain ils retgavs per cumissiuns e servetschs sin 93,7 milliuns. Latiers han



Orientà han: Peter Fanconi, president da la BCG ed il CEO Alois Vinzens.

MAD

era las participaziuns vi da la banca privata Bellerive a Turitg e la SA Albin Kistler contribuì.

S'augmentads fermamain èn er ils emprests a la clientella. La gronda part è d'attribuir ad ipotecas d'ordaifer il chantun. Il svilup dals martgads da chapital han effectuà in augment da la facultad d'investiziun dad 1,6 milliardas. Acquirids èn vegnids 234 milliuns novs daners. La BCG dispona dad in ferm agen chapital cun daplì che duas milliardas.

Buns aspects era per 2018

La BCG quinta era per 2018 cun in bun svilup e resultat. Ella è numnadamain structurada bain e preparada per las sfidas e ristgas da l'avegnir. Era vegnia cun-

tinuà consequentamain cun la strategia orientada vers la clientella e tras avair ils custs sut controlla. Per innovaziuns e digitalisaziun restian ins fitg avert, ma dettia surtut blera paisa ad ina buna cussegliaziun da la clientella, quai che saja oz in dals duairs principals d'ina banca.

La BCG occupescha datiers da 1000 collavuraturas e collavuratur ed è perquai sco patruna in impurtant factur economic. Blera satisfaziun dattan mintgama ils buns ratings da las agenturas spezialisadas per la BCG ch'èn nagut auter che distincziun per l'auta qualitad.

L'onn 2020 po la BCG festivar il giubileum da 150 onns. Ins ha gia instradà preparativas e projects per la commemoraziun.